

GABRIELIS DEGAST
ANTECESSORIS AVRELII DIS-
PUTATIO DE ACTIONE ARBITRA-
ria Ad L. centum capuæ. D. de eo
quod cert. loc. dar. oportet.



AVRELIAE.

*Ex Typographia Eligij Gibierij, Aurelianensis
Vniuersitatis typographi.*

1576.



NOBILISSIMO VIRO
MICHAELI DEGAST SANCTI
SATURNINI DOMINO PATRVO

charissimo, Gabriel Degast Antecessor
Aurelius. S.



*T*A mihi pridem instituta est studiorū
& vitæ meæ ratio, patris charissime,
ut eorum fructum omnem, quisquis is
esset futurus, in communem omnium
utilitatem cōferendum ducerē. Quod
etsi me, publica ex suggesto iuris nostri
authorum interpretatione, aliqua ex parte assecuturum nō
diffidebam: quo tamen longe lateq; magis ea manaret, nec
istis scholæ nostræ cancellis cōprimeretur: quæ publice dispu-
to & enarro, simul edere constitui. Ut dum ita publicum acci-
pient, pluribus & prodesse, & probari queant: ac inde,
illud forte consequamur commodi, ut gratiora, & accep-
tiora exinde sint quæ paramus. Quando ita natura compa-
ratum est, ut rudes adhuc rerum aestimatores nihil probent,
quod non vulgi ad sensus aliquis commendauerit. Sic itaq;

A. ij.

GABRIELIS DE GAST
ANTECESSORIS AVRELII

DISPUTATIO DE ACTIONE ARBIT-
*traria Ad L. centum Capuae. D. de eo
quod cert. loc. dar. oportet.*



VLGO traduntur quatuor modi
quib⁹ actio Arbitraria efficitur. Pri-
mus est, adiectio loci, cum quis cer-
to loco pecuniam sibi dari stipula-
tus, eã alio loco petit: quo casu iu-
dex in condemnatione arbitratur
quantum intersit pecuniam potius loco promisso
solui, quàm quo petitur. Locus enim stipulationi
adiectus efficit, vt contra strictæ actionis naturam,
arbitrandi facultas iudici permittatur. Secundus est,
iuramētum in litem, cum quis restituere iussus, præ-
cepto Iudicis dolo non paret. Quod vsq; ad eò inter-
pretibus placuit: vt inde generaliter proditum sit,
omnem actionem, quæ ad restituendum competat,
sive in rem, sive in personam sit, hoc modo arbitra-
riam effici posse Bart. in L. in actionibus D. de in
litem iuran. Tertius est, contumacia, propter quam
pœna arbitrio iudicis imponitur: veluti quadrupli
in actione quod metus causa L. si cum exceptione